

日患病在家並未到倉關豆等語頭役郭廷芳將無票豆子混出已經承認揆此監督赫度推委已死韓和祚之處顯然監督赫度被郭廷芳偷出火倉豆子十五石失於覺察查定例官員將庫內物件不行固貯以致烏林人偷盜者降一級調用罰俸一年等語應將內倉監督戶部郎中赫度照例降一級調用罰俸一年查有加一級應銷去抵降一級免其調用仍罰俸一年康熙五十三年七月初一日奉旨依議

強盜

江上行劫炤響馬治罪

刑部爲繁邑客船被盜事會議得續獲羅七係行劫吳文耀等客船案內首盜先據安撫葉九思疏稱脫逃首犯羅七係荊州右衛糧船舵工裝載截留漕米至江寧交卸開船回空假以購買木料糾集江子

福張三周子成方連阮七王二尹子玉程起鳳王大鼻子黑皮張三程起龍馬回子高跑朱大同夥十五人康熙四十七年七月初一日探知吳文耀等客船携有重資羅七卽起意行劫於初二日船泊舊縣鎮三更時分羅七手持板斧率領分執器械前去登吳文耀等客船劫取財物俵分而散于四十七年七月初八日陸續拿獲江子福等八盜除程起龍取供後病故外將江子福等擬以斬罪具題本部等衙門議覆奉

旨江子福張三周子成方連阮七王二朱大俱着卽處斬餘依議欽遵在案今據安撫葉九思疏稱康熙四十九年閏七月初一日准楚省將盜首羅七拏獲移解歷審自認不諱將羅七擬以斬決具題前來據此羅七合依強盜已行得財律應斬立決未獲之贓將盜產變賠逸盜尹子玉程起鳳王大鼻子黑皮張三馬回子高跑嚴緝獲日另結

再該撫疏稱糧船窩盜行劫押運失察職名題明行令楚省題叅在案等語據此應令該撫移咨湖撫作速查叅再該撫疏稱江洋大盜糾集匪類劫掠行舟兇狠已極臣於履任之初即經嚴飭沿江防汛加意巡緝一載以來江上行舟幸告無事但水路強盜與陸路響馬無異律開凡響馬截劫俱不分人數多寡曾否傷人依律於行劫處梟首示衆等語臣請嗣後遇有江上行劫大盜俱照響馬之律梟首懸示江干庶奸人見而驚懼等語應如該撫所請嗣後如有江上行劫強盜俱照陸路響馬律梟首懸示俟

命下之日通行直隸各省遵行其羅七亦應如該撫所請於行劫處所梟首示衆等因康熙五十年四月三十日奉

旨羅七着卽處斬梟首餘依議

強盜傷人未死又未得財 現行則例 賊盜

一凡強盜傷人致死者仍照律科斷外但傷人未死又未得財者照搶奪傷人律科斷

十 強盜不得財傷人成案

刑部看得盜犯蕭三等行劫朱朝賢家一案據江撫洪之傑審擬前來查蕭三等有逸盜老崔漢糾約蕭三等首先打門事主驚覺執農具抵禦朱朝賢并伊父及妻俱被打傷隣佑聞聲救援各盜奔竄並未失物除楊三病故外蕭三合依強盜止傷人而未得財比照搶奪傷人爲首斬監候律應斬倪麻二等爲從減一等律擬流事在

赦前免罪康熙二十八年十一月奉

旨蕭三從寬免死減等發黑龍江新滿洲披甲之人爲奴務期嚴押解到餘依議

強盜不得財又未傷人成案